

REGLUGERÐ

um breytingu á reglugerð um flugvernd nr. 750/2016.

1. gr.

Eftirfarandi breytingar verða á 3. gr. reglugerðarinnar:

- a. Í stað orðanna „reglugerð (ESB) nr. 859/2011 vegna flugskipta, gegnumferðar eða affermingar“ í skilgreiningunni á ACC3-flugrekandi kemur: framkvæmdarreglugerð framkvæmdastjórnarinnar (ESB) 2015/1998 um ítarlegar ráðstafanir til að framfylgja sameiginlegum grunnkröfum um flugvernd.
- b. Skilgreining á flugleiðsöguþjónustu fellur brott.
- c. 2. málslíður skilgreiningar á haftasvæði flugverndar fellur brott.
- d. 2. málslíður skilgreiningar á flugverndarstjóri fellur brott.
- e. 3. gr. skal endurútgefin og hver skilgreining merkt með tölustöfum.

2. gr.

Á eftir orðinu „heimilt“ í 7. mgr. 4. gr. kemur: vegna sérstakra aðstæðna.

3. gr.

Í stað 2. mgr. 6. gr. kemur ný málsgrein, svohljóðandi: Við nánari framkvæmd á flugverndarreglum skv. 1. mgr. er jafnframt vísað í leiðbeinandi efni útgefið af ICAO og ECAC. Leiðbeiningarefnið hefur að geyma viðeigandi og tækar leiðir til að fullnægja kröfum reglugerðarinnar eða er þeim til frekari uppfyllingar, nema til komi a.m.k. jafngildar aðferðir að mati Samgöngustofu. Vísað er til þessara leiðbeiningarreglna í flugverndaráætlun Íslands.

4. gr.

3. mgr. 7. gr. fellur brott.

5. gr.

c. liður 1. mgr. 11. gr. orðast svo: lýsing á skipulagi umsækjanda sem sýnir fram á að umsækjandi geti, svo fullnægjandi sé, stjórnað og haft eftirlit með flugverndarráðstöfunum.

6. gr.

Í stað 2. mgr. 17. gr. kemur ný málsgrein, svohljóðandi: Tilnefndur flugverndarstjóri skal hafa haldgóða þekkingu og reynslu af flugvernd auk þekkingar á innlendum og alþjóðlegum kröfum flugverndar. Flugverndarstjórar skulu samþykktir af Samgöngustofu til starfans og heimilt er að áskilja að þeir sanni kunnáttu sína með sérstakri próftöku. Að fenginni viðurkenningu ber þeim að starfa sem sérstakir trúnaðarmenn Samgöngustofu. Komi í ljós að kunnáttu eða hæfni flugverndarstjóra sem hlotið hefur viðurkenningu sé ábótavant eða fyrirsvarsmáður brýtur trúnað við stofnunina getur hún fellt viðurkenningu sína niður.

7. gr.

Eftirfarandi breytingar verða á 26. gr. reglugerðarinnar:

- a. Við 1. mgr. bætast við tveir nýir málslíðir, svohljóðandi: Nú gefur skoðun lögreglu skv. grein þessari 5 ár aftur í tímann vísbendingar um að nauðsynlegt sé að kanna feril einstaklings frekar og lengra aftur í tímann og hefur lögreglan þá heimild til að kanna feril einstaklings 10 ár aftur í tímann. Vísbendingar þessar geta verið færslur í málaskrá lögreglu, sakavottorði, óvissa um heimili eða dvalarstað o.fl.
- b. Orðið „a.m.k.“ í 1. mgr., b. og c. lið 3. mgr. fellur brott.
- c. Í stað orðsins „feril“ í c. lið 3. mgr. kemur: sakarferil.

8. gr.

Eftirfarandi breytingar verða gerðar á 27. gr. reglugerðarinnar:

- a. Í stað 2. mgr. kemur ný málsgrein, svohljóðandi: Hafi einstaklingur, hérlandis eða erlendis, verið dæmdur í fangelsi fyrir brot gegn tilteknum ákvæðum almennra hegningarlaga, sbr. A. lið viðauka

II við reglugerð þessa, eða lögum um ávana- og fíkniefni, skal synja honum um aðgang að haftasvæði flugverndar, trúnaðarupplýsingum um flugvernd og að sækja námskeið í flugverndarþjálfun, sbr. þó ákvæði 28. gr., enda gefi brotið vísbendingar um að öryggi ríkisins, flugstarfsemi og almannahagsmunum kunni að stafa hætta af.

- b. Í stað 3. mgr. bætast við tvær nýjar málsgreinar, sem verða 3. og 4. mgr., svohljóðandi: Hafi einstaklingi, hérlandis eða erlendis, verið ákvörðuð sekt fyrir brot á þeim lögum sem tilgreind eru í 2. mgr. hvort sem er fyrir dómstólum eða stjórnvaldi eða eigi ólokið máli í refsivörslukerfinu þar sem hann er grunaður eða sakaður um refsiverða háttsemi er lýtur að brotum á þeim lögum sem tilgreind eru 2. mgr. er heimilt að synja honum um aðgang að haftasvæði flugverndar, trúnaðarupplýsingum um flugvernd og að sækja námskeið í flugverndarþjálfun, sbr. þó ákvæði 28. gr., enda gefi brotin vísbendingar um að öryggi ríkisins, flugstarfsemi eða almannahagsmunum kunni að stafa hætta af. Sama gildir ef einstaklingur hefur ítrekað gerst brotlegur gegn öðrum ákvæðum almennra hegningarlaga en þeirra sem getið er í A lið viðauka II eða öðrum lögum sem getið er í B lið viðauka II við reglugerð þessa eða brotið stórfellt.

Sama gildir hafi einstaklingur, hérlandis eða erlendis, verið dæmdur í fangelsi, dæmdur til greiðslu sektar eða gert að greiða sekt af hálfu stjórnvalds, fyrir tilraun eða hlutdeild til brota skv. 2. og 3. mgr. eða verið sýknaður af brotum og gert að vístast á viðeigandi stofnun með vísan til 62. gr. almennra hegningarlaga nr. 19/1940.

9. gr.

Orðin „2. mgr.“ í 1. mgr. 28. gr. fellur brott.

10. gr.

Við reglugerðina bætist við ný grein, 28. gr. a, svohljóðandi ásamt fyrirsögn:

Svipting aðgangsheimilda

Heimilt er rekstraraðila flugvallar að svipta einstakling aðgangsheimild að flugsvæði, tímabundið eða að fullu, vegna brota gegn lögum og reglum ef telja verður með hliðsjón af eðli brotsins eða annars framferðis hans varhugavert að hann noti heimildina. Ákvörðun um sviptingu skal rökstudd og starfsmanni gefinn kostur á að neyta andmælaréttar áður en ákvörðun er tekin, í samræmi við ákvæði stjórnsýslulaga. Sé um alvarlegt brot að ræða er rekstraraðila flugvallar heimilt að svipta einstakling aðgangsheimild að flugsvæði tímabundið, þá þegar, á meðan niðurstöðu kærumeðferðar er beðið samkvæmt grein þessari.

Rekstraraðila flugvallar er jafnframt heimilt að afturkalla útgáfu leyfisbréfs fyrir ökutæki eða vinnuvél samkvæmt 24. gr. sé skilyrðum greinarinnar ekki fullnægt eða hafi ökutækið eða vinnuvélin ekki verið notuð í samræmi við lög og reglu.

11. gr.

Í stað orðsins „ákvarðað“ í 3. mgr. 30. gr. og 3. mgr. 33. gr. kemur: staðfest.

12. gr.

Eftirfarandi breytingar verða á 36. gr. reglugerðarinnar:

- a. Á eftir orðunum „í samræmi við 1. mgr.“ í 2. mgr. kemur: er heimilt að geyma í viðeigandi aðstöðu fyrir bannaða hluti til endurkomu farþega, heimsenda bannaða hlutinn í pósti, fara með hlutinn sem óskilamun eða eyða honum.
- b. Við 2. mgr. bætast tveir nýir málslíðir, svohljóðandi: Eigandi hins bannaða hlutar skal upplýstur um rétt hans. Við ákvörðun um það hvað eigi að gera við hinn bannaða hlut skal tekið tillit til óskar eiganda, gætt meðalhófs og litið til verðmæti hlutarins.
- c. Skrá yfir bannaða hluti er að finna í viðauka I við reglugerð þessa. Heimilt er að veita undanþágu frá viðauka I að því tilskildu að:
- Samgöngustofa hafi veitt samþykki sitt fyrir því að hafa megi hlutinn meðferðis og
 - flugrekandanum hafi verið tilkynnt um farþegann og hlutinn sem hann hefur meðferðis áður en farþegarnir fara um borð í loftfarið og
 - að gildandi öryggisreglum sé fylgt.

13. gr.

Í stað lokamálsliðar 2. mgr. 41. gr. kemur nýr málslíður svohljóðandi: Um meðferð slíkra gagna gildir 18. gr. reglugerðar Evrópuþingsins og ráðsins (EB) nr. 300/2008, sem birt er í EES viðbæti við

Stjórnartíðindi Evrópusambandsins nr. 37, 9. júlí 2009, bls. 264, sbr. a. liður 1. mgr. 53. gr. reglugerðarinnar.

14. gr.

Í stað 44. gr. kemur ný grein með sömu fyrirsögn, svohljóðandi:

Samgöngustofu er heimilt vegna sérstakra aðstæðna að setja frekari fyrirmæli og verklagsreglur varðandi flugverndarráðstafanir enda liggur fyrir áhættumat. Fyrirmælin og verklagsreglurnar skulu vera tímabundnar, viðeigandi, hlutlægar, án mismununar og í réttu hlutfalli við áhættuna sem um ræðir.

Samgöngustofu er heimilt að ákveða að þau fyrirmæli og verklagsreglur sem um ræðir í 1. mgr. skuli einungis birtar viðeigandi aðilum.

15. gr.

Við reglugerðina bætast tveir viðaukar:

- a. Viðauki I skrá yfir bannaða hluti.
- b. Viðauki II skrá yfir afbrot sem áhrif hafa á aðgang að haftasvæði flugverndar.

16. gr.

Gildistaka og lagastoð.

Reglugerð þessi, sem sett er með heimild 2. mgr. 70. gr. og 70. gr. d, sbr. 145. gr. laga um loftferðir nr. 60/1998 með síðari breytingum, öðlast þegar gildi.

Innanríkisráðuneytinu, 2016.

Viðauki I
SKRÁ YFIR BANNAÐA HLUTI

a. FARÞEGAR OG HANDFARANGUR

Með fyrirvara um gildandi öryggisreglur er farþegum óheimilt að hafa eftirfarandi hluti meðferðis inn á haftasvæði flugverndar og um borð í loftfar:

a) byssur, skotvopn og önnur tæki sem skjóta skotum — tæki sem unnt er að nota eða virðist vera unnt að nota til að valda alvarlegum áverkum með því að skjóta skotum, þ.m.t.:

- öll skotvopn, t.d. skammbyssur, marghleypur, riffla, haglabyssur,
- leikjabyssur, eftirlíkingar og eftirgerðir af skotvopnum sem líkjast alvöru vopnum,
- íhluti skotvopna, að undanskildu sjónaukasigti,
- þrýstiloftsbyssur og kolsýrubyssur, t.d. skammbyssur, lofthaglabyssur, loftriffla og kúlabyssur,
- merkibyssur og rásbyssur,
- boga, lásboga og örvar,
- skutulbyssur og spjótbyssur,
- slöngvur og teygjubyssur,

b) tæki til að dasa — tæki sem er hannað sérstaklega til að dasa fólk eða valda því að það geti ekki hreyft sig, þ.m.t.:

- tæki til að stuða, t.d. stuðbyssur, rafstuðbyssur og stuðkylfur,
- tæki til að deyfa eða aflífa dýr,
- íðefni, gös og úðæfni, sem lama eða gera menn óvirka, t.d. úðavopn, piparúða, táragas, sýruúða og úða til að fæla dýr,

c) oddhvassa eða egghvassa hluti — oddhvassa eða egghvassa hluti sem unnt er að nota til að valda alvarlegum áverka, þ.m.t.:

- hluti, sem eru ætlaðir til að höggva, t.d. axir, litlar handaxir og kjötaxir,
- ísaxir og stingi,
- rakblöð,
- dúkahnífa,
- hnífa með blöðum sem eru lengri en 6 cm,
- skæri með lengra en 6 cm blaði, mælt frá ásnúm,
- búnað fyrir sjálfsvarnariþróttir sem er oddhvass eða egghvass,
- sverð og sveðjur,

d) verkfæri — verkfæri sem unnt er að nota annaðhvort til að valda alvarlegum áverka eða til að ógna öryggi loftfars,

þ.m.t.:

- kúbein,
- bora og borkrónur, þ.m.t. rafhlöðuknúnar handborvélar,
- verkfæri með blaði eða skafti, sem er lengra en 6 cm og unnt er að nota sem vopn, t.d. skrufjárn og sporjárn,
- sagir, þ.m.t. rafhlöðuknúnar handvélsagir,
- blússlampa,
- bolta- og naglabyssur,

e) bitlaus áhöld og tól — hluti sem unnt er að nota til að valda alvarlegum áverkum þegar þeir eru notaðir til að berja með, þ.m.t.:

- hafnarboltakylfur,
- kylfur og stafí, t.d. vasakylfur, barefli og lögreglukylfur,
- búnað fyrir sjálfsvarnariþróttir,

f) sprengiefni og íkveikjuefni og búnað — sprengiefni og íkveikjuefni og búnað sem unnt er að nota eða virðist vera unnt að nota til að valda alvarlegum áverkum eða til að ógna öryggi loftfars,

þ.m.t.:

- skotfæri,
- sprengihettur,
- hvellhettur og sprengibraði,
- eftirlíkingar eða eftirgerðir af sprengibúnaði,
- jarðsprengjur, handsprengjur og aðrar sprengifimar hernaðarbirgðir,
- skotelda og aðrar flugeldavörur,
- reykhyllki og reykdocsir,

— dínamít, byssupúður og plastsprengiefni.

b. LESTARFARANGUR

Farþegum er óheimilt að vera með eftirfarandi hluti í lestarfarangri sínum:
sprengiefni og íkveikjuefni og búnað — sprengiefni og íkveikjuefni og búnað sem unnt er að nota til að valda alvarlegum áverkum eða til að ógna öryggi loftfars, þ.m.t.:

- skotfæri,
- sprengihettur,
- hvellhettur og sprengipræði,
- jarðsprengjur, handsprengjur og aðrar sprengifimar hernaðarbirgðir,
- skotelda og aðrar flugeldavörur,
- reykhyllki og reykðósir,
- dínamít, byssupúður og plastsprengiefni.

Viðauki II

SKRÁ YFIR AFBROT SEM ÁHRIF Hafa Á AÐGANG AÐ HAFTASVÆÐI FLUGVERNDAR

A. BROT GEGN ALMENNUM HEGNINGARLÖGUM OG BROT GEGN LÖGUM UM ÁVANA- OG FÍKNIEFNI

HRYÐJUVERK:

- 100. gr. a.
- 100. gr. b.
- 100. gr. c.

BROT Á ALMANNAFRÍÐI OG ALLSHERJARREGLU:

- 118. gr.
- 120. gr. a
- 121. gr.
- 123. gr.
- 126. gr.

BROT GEGN VALDSTJÓRNINNI, LÍKAMSMEIÐINGAR, KYNFERÐISBROT, MANNDRÁP OG BROT GEGN FRJÁLSRÆÐI MANNA:

- 106. gr.
- 107. gr.
- 108. gr.
- 193. gr.
- 194. gr.
- 197. gr.
- 198. gr.
- 200. gr.
- 201. gr.
- 202. gr.
- 206. gr.
- 209. gr.
- 210. gr., 2. mgr.
- 210. gr. a.
- 210. gr. b
- 211. gr.
- 213. gr.

214. gr.
218. gr.
218. gr. a
220. gr.
222. gr.
225. gr.
226. gr.
227. gr. a

PENINGA- OG SKJALAFALS:

150. gr.
151. gr.
152. gr.
155. gr.
156. gr.
158. gr.
162. gr.

AUÐGUNARBROT OG ÖNNUR BROT ER VARÐA FJÁRRÉTTINDI:

244. gr.
247. gr.
248. gr.
249. gr.
249. gr. a
250. gr.
251. gr.
252. gr.
257. gr., 2. mgr.
259. gr.
262. gr.
264. gr.
264. gr. a.

BROT, SEM Hafa í FÖR MEÐ SÉR ALMANNAHÆTTU:

164. gr.
165. gr.
166. gr.
168. gr.
169. gr.
169. gr. a
170. gr.
171. gr.
172. gr.
173. gr.
173. gr. a
175. gr.
175. gr. a

ANNAÐ:

109. gr. mútur
142. gr. rangur framburður
146. gr. rangur framburður
147. gr. rangur framburður
149. gr. rangar sakargiftir
176. gr. truflun á rekstri alm. samgangna

232. gr. brot á nálgunarbanni
233. gr. hótun

B. BROT Á ÖÐRUM LÖGUM

1. Vopnalög
2. Tollalög
3. Fjarskiptalög
4. Umferðarlög
5. Loftferðarlög

DRÖG